

Me āwhina ki te waihanga i te anamata o tō kura

He mōhiohio mō te tukanga whakarite mahere me te tuku pūrongo

Te reo Māori

Mā tō reo me ō mōhio, ka āwhina koe ki te hanga i tō kura hei wāhi e momoho ai ngā tamariki me ngā taiohi katoa.

He aha te take he hira te whakarite mahere me te tuku pūrongo a te kura?

Me mahi tahi ngā kura me koe, tō rātau hapori, ki te whakarite mahere mō ngā rā e heke iho.

Mā tēnei e taea ai e te katoa, tae atu ki ngā tamariki me ngā taiohi, ngā mātua, ngā whānau, me te hapori whānui, te whakapūmau i ngā whāinga mō te kura e whakaata ana i ngā hiahia o ngā ākonga katoa me ngā tautoko kia angitu ai rātau.

Ka āwhina tō reo i ngā kura kia whakapai ake i te wheako kura mō ngā ākonga katoa.



Me aha ngā kura?

Me hanga ngā kura i ngā mahere wā roa, ā-tau hoki e ai ki ngā kōrero mai i a koe me ngā whakamārama a ā rātau raraunga (pērā i ngā raraunga paetae) me noho hei kaupapa matua.

Me uru ki ngā mahere ā-kura ngā whāinga whāiti ki te whakatutuki i ngā whāinga whānui a ngā poari kura. Me whakarite ngā poari:

- › ka taea e ia ākonga o te kura te eke ki te paerewa mātauranga teitei rawa
- › ka whai te kura i ngā hātepe kia taetae ngā ākonga ki te kura
- › ka whakahaere te kura i ngā mōhiohio aromatawai kounga hei aroturuki, hei arotake hoki i te kokenga me ngā tutukinga ākonga
- › he wāhi haumarua ā-tinana, ā-hinengaro hoki te kura, ka hāpai i ngā mōtika tangata a ngā ākonga, ā, ka whai i ngā hātepe ki te aukati i te kaikiri, te hahani, te whakaweti me ētahi atu momo whakahāwea
- › ka kauawhi, ka tautoko hoki te kura i ngā ākonga he rerekē ngā matea
- › ka whai te kura i ngā hua tautika mā ngā ākonga Māori
- › ka whai te kura i ngā hātepe whaitake hei whakarato i ngā akoranga reo Māori mā ngā ākonga
- › ka whai te kura i ngā hātepe whaitake hei whakaatanga a ngā kaupapahere me ngā tikanga a te kura i te kanorautanga ā-ahurea o Aotearoa.

He aha ngā mea hei tūmanako māku mai i taku kura?

Ko tāu hei tūmanako mai i tō kura:

- › ka hiahia ki te kōrero ki a koe mō ngā mea kei te pai te mahi, me ngā mea e hira ana ki a koe. Ka āwhina tēnei i tō kura ki te whakarite he aha ngā whāinga.
- › me mātua whakarite kei te whiwhi ngā ākonga me ngā mātua katoa i ngā kape o ā rātau mahere kua tuhia kia mārama ai (me mātua whakaputa tuihono).
- › me pūrongo i ia tau ki a koe mō te āhua o ngā mahi, tae atu ki te whaitake ki te anga whakamua me te oranga o ngā ākonga.

Ki hea ahau tiki kōrero atu ai anō

Me kōrero ki tō kura ki te rapu mōhio atu anō mō ā rātau tukanga hanga mahere.

Ka kitea anō e koe me aha ngā kura mō te hanga mahere me te tuku pūrongo ki te paetukutuku a Te Tāhuhu o Te Mātauranga mā te matawai i te waehera QR, mā te haere rānei ki te paetukutuku i raro.

<https://www.education.govt.nz/education-professionals/schools-year-0-13/administration-and-management/school-planning-and-reporting-framework>

